

## Fylkestinga møtest på historisk grunn

**Fylkestinga i Hordaland og Sogn og Fjordane skal ha felles fylkestingsmøte i Gulen 27. oktober 2017. Der skal dei drøfte vegen vidare i prosessen med å bli eitt fylke frå 2020.**

Sjølve møtet vert på Dalsøyra barne- og ungdomsskule, der fylkestinga først møtest til felles debatt. Deretter går dei kvar til sitt og gjer separate vedtak i saker som er drøfta. Det er kommunal- og moderniseringsdepartementet (KMD) som kallar inn til møtet, som blir opna av statssekretær Kristin Holm Jensen.

Hordaland og Sogn og Fjordane har felles historisk grunn i Gulen. Begge har ei forankring til Gulatinget, som starta som allting og tingstad for Hordaland og Sogn og Fjordane på 900-talet – kanskje endå tidlegare.

### Skal diskutere namn m.m.

Stortinget vedtok samanslåinga av Hordaland og Sogn og Fjordane i juni i år. Det felles fylkestingsmøtet er nedfelt i inndelingslova § 25, som seier at det skal gjennomførast eit slikt fylkestingsmøte så snart som mogleg etter vedtak om samanslåing.

Saker på møtet er

- namn på det nye fylket
- tal medlemer i det nye fylkestinget
- kriterium for samansetjing av, og funksjonar til, fellesnemnda
- val av revisor for verksemda i fellesnemnda
- oppretting av ev. andre fellesorgan for å sikre gjennomføring av samanslåing

### Markering på Gulatinget

Når møtet er avslutta, vert det lunsj på Gulating Hotel i Eivindvik, før turen går til Tusenårsstaden Gulatinget på Flolid. Tingveggen her – med 22 steinar reiste på høgkant – er eit symbol på ein historisk møteplass. Her vert det kulturinnslag og ei markering av Stortinget si samanslåinga av dei to fylka.

Tidlegare fylkesordførarar, fylkesrådmenn, samt dagens og tidlegare fylkesmenn vert inviterte til det felles fylkestinget, som markerer starten på det vidare arbeidet med samanslåinga.

Gulatinget er viktig for mange delar av historia for både Vestlandet og heile landet. Gulatingslovene er den eldste kjende og bevarte lovsamlinga i dei nordiske landa, og er utgangspunktet for lovene vi har i dag. Gulatinget var også opphavet til det første organiserte forsvaret av riket, den sjømilittære

leidangen. I tillegg er sjølvsagt Gulatinget viktig for kulturhistoria vår. [Du kan lese meir om Gulatinget her.](#)

### **Program for felles fylkestingsmøte i Gulen 27. oktober 2017:**

#### *Dalsøyra barne - og ungdomsskule*

- Kl. 10.00–11.15      Frammøte m/ servering
- Kl. 11.15–11.30      Opning av felles fylkesting v/ statssekretær Kristin Holm Jensen, Kommunal - og moderniseringsdepartementet
- Kl. 11.30–11.45      Kulturinnslag
- Kl. 11.45–13.00      Felles fylkesting – debatt jf. inndelingslova § 25
- a) Namn på det nye fylket.
  - b) Tal medlemer i det nye fylkestinget.
  - c) Kriterium for samansetjing av, og funksjonar til, fellesnemnda etter inndelingslova.
  - d) Val av revisor for verksemda i fellesnemnda.
  - e) Oppretting av eventuelle andre fellesorgan for å sikre gjennomføringa av samanslåinga.
- Kl. 13.15–14.00      Separate fylkesting, vedtak i saker som er drøfta under felles fylkesting.

#### *Gulating Hotel, Eivindvik*

- Kl. 14.30–15.30      Lunsj.

#### *Tusenårsstaden/Gulatinget*

- Kl. 15.45–17.15      Samanslåing av Sogn og Fjordane og Hordaland
- Kulturinnslag og historisk/symbolsk markering
  - Pressetreff

### **For meir informasjon**

Jenny Følling  
fylkesordfører  
Sogn og Fjordane fylkeskommune  
tlf.: 479 05 990

Pål Kårbø  
fungerande fylkesordfører  
Hordaland fylkeskommune  
tlf.: 934 29 063